



KOMUNIKADO PA PRENSA

Fecha

9 di mei 2019

Persona di kontakto

Noriza Gerard

Email

noriza.gerard@gobiernu.cw

ÉKSITOSO ENKUENTRO DEN KUADRO DI DESAROYO DI REF

Willemstad- Minister di Ministerio di Tráfiko, Transporte i Planifikashon Urbano, (VVRP), Sra. Zita Jesus-Leito huntu ku e organisashon ku ta manehá proyekto (PMO) 'Groeistrategie' a reuní ku esnan direktamente envolví den e desaroyo di Ref, di kual 16 diferente representante di área di Ref i Otrobanda tabata presente. Representantenan a ekspresá nan entusiasmo ku e área di Ref debí ku lo desaroyá diferente proyekto den e área aki kual lo tin un impakto positivo riba ekonomia i alabes lo krea sigur un área di Kòrsou ku ta krusial pa futuro di nos turismo.

E programa di desaroyo di e área di Ref ta garantisá ehekushon integral, balansá i efisiente di e área di Ref. E plan di ehekushon ta diseñá di tal forma ku kada proyekto ta tene kuenta outomátikamente ku otro. Debí na e plan di ehekushon aki partidonan, direktamente envolví a suprayá nan kompromiso pa desaroyo balansá di e área di Ref.

Komo parti di e trayekto di Strategia di Kresementu pa Kòrsou esta "Groeistrategie", Ministerio di Tráfiko, Transporte i Planifikashon Urbano ta realisando e programa di desaroyo di Ref. E enkuentro huntu ku esnan direktamente envolví, ta forma parti di un seri di aktividat di komunikashon pa informá komunidat di e desaroyo di e área importante aki i envolví komunidat kaminda ta nesesario.

Den un término di tempu kòrtiku ta bai ehekutá kambionan nesesario pa trabounan di konstrukshon di Marriott Courtyard, i tambe lo tuma lugá sanamentu di e parke di Mangrove. Esaki sigur ta proyektonan grandi ku ta benefisiá desaroyo sosio-ekonómiko, kaminda lo tene kuenta sigur pa e desaroyo aki tin un balanse entre naturalesa i kombibensia di nos pueblo. Tambe lo krea áreanan nobo di rekreashon i formashon pa pueblo di Kòrsou.

E programa di desaroyo di Ref tin un durashon di mas o ménos 3 aña, di kual ta planiá pa kuminsá ofisialmente na final di luna di mei. Programa di desaroyo di Ref ta enserá entre otro e limpiesa di e Mangrovenan, desaroyo di un 'persleiding en gemaal' kual lo yuda eliminá holó stinki di kloaka, eliminá plaga di sangura den e área i mehorá e 'desague' den e area. Tambe lo traha un kaminda nobo entre Megapir i Pater Eeuwensweg pa fasilitá tráfiko diario conforme desishon di Konseho di Ministernan dia 17 di òktober 2018.

E programa di desaroyo ta primintí di trese estímulo pa nos ekonomia i yuda atraé invershonistanan na nivel lokal i internashonal. P'esei tambe e ta forma parti di e strategia di Kresementu pa Kòrsou.



KOMUNIKADO PA PRENSA

Fecha

9 di mei 2019

Persona di kontakto

Noriza Gerard

Email

noriza.gerard@gobiernu.cw

Ministerio di VVRP huntú ku PMO di Groeistrategie ta konvensí ku ta huntú nos por logra traha riba nos área di Ref. Pa e motibu aki ta bai dediká pa krea e konsenshi den pueblo di Kòrsou, dikun ta importante pa desaroyá e área di Ref, pa krea huntú un futuro fruktífero pa Kresementu di Pais Kòrsou. Ta konsiderá importante pa mantené komunidad na altura di e desaroyonan i na mes momentu tambe avisá dado kaso tin kambionan ku mester tene na kuenta na momento ku esaki ta nesesario.